

春秋條貫篇

西河合集

蕭山毛奇齡

字初晴稿
又名姓稿

文淵克有
遠宗姬黃較

春秋條貫篇 五

十有八年春王正月宋公曹伯衛人邾

人伐齊 西條

齊桓無嫡子諸姬所生一無虧一孝公昭一惠公

元一昭公潘一懿公商人為五公子各爭立未決

易牙與寺人貂殺羣吏而立無虧焉先是桓與管

仲會以孝公屬宋襄已定之為太子矣至是孝公

奔宋而宋襄急合諸侯以納之此亦宋襄仗義之始事也

孝納夏師救齊

當是時昭公潘爲我公之壻因亦帥師以拒孝公來納名爲救齊實觀變也

孝納夏五月戊寅宋師及齊師戰于甌齊師敗績

及齊人聞諸師至卽殺無虧以應之而曹師衛師邾師以及我師亦俱却去而宋襄思如齊蒞乘齊桓新喪掩其不備而獨留其師以與之戰必使之敗績而後已則名爲納君而實伐人喪以張已威

不良甚矣其後齊孝不以德而反以怨伐宋圍緡以是也

納狄救齊

其時狄亦聞齊桓之亡而假名救齊以觀變蓋狄之無愛于齊也久矣然而救齊者拒宋者也拒宋即拒孝矣其後齊孝怨宋而反德狄而與之謀衛然則虢之敗其為齊孝切齒如此

秋八月丁亥葬齊桓公

襄公十有九年春王三月宋人執滕子嬰齊十五

條一

策書未詳特朱襄爭霸之惡跡則始于此

襄宋

夏六月宋公曹人邾人盟于曹南

策書闕今按經文則宋與曹本相近爲唇齒之國而每相構難前十五年冬宋人伐曹是也今朱襄親至曹地以會諸侯亦必有故乃曹君不親至而祇以大夫蒞盟稱曰曹人則諸侯既不來而地主又闕宋霸可知矣

襄宋

郕子會盟于邾

因以郕近召郕子使之來會而郕子又不至及宋襄罷會至邾而郕子乃復以赴會來邾謂之會盟

見毛氏傳

^{襄宋}乙酉邾人執郕子用之

襄遂遷怒使邾人執郕子殺之用作牲畜以祭于次睢之社司馬子魚力諫之不聽

^{襄宋}秋宋人圍曹

又以曹君不親至圍之

^{襄宋}冬會陳人蔡人楚人鄭人盟于齊

諸侯乃惡襄不道謀以楚制宋而郕子爲我公增前經書季姬歸郕是也我以是惡宋而共謀伐宋之舉其盟于齊者以齊孝怨覲之役亦與謀焉

二十一年宋人齊人楚人盟于鹿上

宋襄知其事乃先盟齊楚以解之

秋宋公楚子陳侯蔡侯鄭伯許男曹伯會于孟統

宋公以伐宋

然後又大會諸侯思以其釋而無如諸侯盟齊之役各結于其心而不可解也乃即于宋襄主盟之際執宋襄以伐宋霸主之敗壞至此

宋襄冬公伐邾

當是時我公不爲宋所請故不與伐宋而獨帥師以伐邾以卽子我壻而爲邾所殺報卽怨也

宋楚人使宜申來獻捷

乃我雖不與伐宋而楚人以盟齊之役我實與謀
因來獻宋捷以明伐宋者諸侯之志然亦我志也

宋十有二月癸丑公會諸侯盟于薄釋宋公

然既來獻捷則我義當往會以解其事公因特赴
宋合會孟之諸侯而更盟于薄示宋公之執與衆
執之故亦與衆釋之而楚無與焉

宋二十二年夏宋公衛侯許男滕子伐鄭

宋乃不敢報楚而但合諸侯之師以伐鄭

宋冬十有一月己巳朔宋公及楚人戰于泓宋師敗

續

楚人遂救鄭而宋師大敗傳所云宋襄君子之師不重傷不禽二毛不阻隘不鼓不成列是也

宋襄

二十有三年春齊侯伐宋圍緡

其時齊孝公爲宋所納且鹿上之盟齊大夫與焉而終以戰瓶之役刺于其心亦復伐宋而圍其邑

宋襄

夏五月庚寅宋公茲父卒

遂終

十九年梁亡

二十年春新作南門 夏邾子來朝

五月乙巳西宮災

鄭人入滑

鄭與滑近而每相搆難見後狄伐鄭條

冬楚人伐隨

二十一年夏大旱

我伐二十二年春公伐邾取須句四條

據傳邾人滅須句而僖公毋成風實同姓國也公

因伐邾取須句而返其君還其地焉

邾秋八月丁未及邾人戰于升陘

邾乘我不備而報之我師敗績邾人獲公胃以去

〔邾〕二十三年公伐邾取訾婁

越十一年我始報之

〔邾〕秋公子遂帥師伐邾

又報之

二十三年秋楚人伐陳

二十有四年春王正月

〔陳〕之室狄夏狄伐鄭二條貫

狄與鄭近前經狄侵衛是也滑又附于鄭前經鄭人入滑是也特鄭之侵滑以其貳已而侵而不服故又伐之奈襄王以齊桓定王位時鄭文奉惠王

之命欲陰附于帶逃會不盟本有間于心而鄭文亦以是故猜之故襄王爲滑請于鄭或無他意而鄭文以爲恥已執王使不報則直叛矣王乃使狄伐鄭取其櫟邑以狄之足爲鄭難也時富辰諫之不聽

冬天王出居于鄭

襄王乃德狄而取狄女隗氏以爲后先是惠王欲立王子帶而廢襄王及襄王卽位而子帶奔齊襄王復召子帶還已十六年矣至是子帶逼隗氏而王乃廢后狄遂奉子帶攻王大敗王師而王出奔

鄭其奔鄭者以鄭本卿士近王室且與狄爲難也
鄭文乃不敢怨王仍與鄭大夫孔將鉏等省視官
具以安行所禮也特勅王殺叔平戎復辟經無明
文而左氏據晉策書鋪張晉事輒以此爲晉文之
功考前此子願之亂惠王奔溫王國不告故經不
得書今襄王實來告雖有不殺鄙鄭敢告叔父之
文故經書天王出居于鄭則既書出居何難再書
晉侯納王以定王室而經無辭且出居之經在
二十四年冬而晉惠之卒在出居後經書冬天王
出居于鄭卽繼之曰晉侯夷吾卒是也是王出居

時晉文未入王告難三國一魯一秦一晉則我公
與秦穆及晉惠也自左氏以王室之定歸功晉文
而時日不合遂以晉文返國預殤之二十四年之
春而謂晉惠冬卒係赴告之晚當在襄王出居之
先而世家遊傳亦以晉惠十五年之卒改作十四
年以合之而實則左氏行文自相矛盾旣曰告秦
告晉是告晉文而又以秦穆問告與師納王時重
耳在秦聽狐偃之計背秦行事辭秦師而下遂迎
王于汜以還王城則是晉文方在秦尚未歸晉不
特晉惠方卒晉懷初立國晉自有君不當向晉文

晉難而且秦穆送重耳之師曾未渡河晉文身在
道亦家得有一旅之師可以自衛而乃辭秦師而
下背秦穆以攘此不世之功此晉史誇大或作此
不稽之言而丘明註經不當與經牴牾且自牴也凡
此皆所當闕疑者也

晉文公卒

此年惠公也惠公卒子圉立是爲懷公秦穆乃納
車耳子晉懷公奔高梁殺之重耳立是爲文公
十五年夏四月衛侯燬卒

襄陽伯姬來逆婦

策書闕

宋殺其大夫

策書闕

秋楚人圍陳納頓子于頓

策書未詳

薛衛文公

文公十有二月癸亥公會衛子莒慶盟于洮

九條一貫

莒慶者莒大夫而爲我壻莊十二年莒慶來迎叔

姬是也莒原與我隙向賴紀侯以成之今僖元年

季友莒棼之獲莒未有以報也莒慶以我壻思請

衛文爲我成而衛文已死衛成承父志而爲之盟
故雖衛文已葬而仍稱衛子嘉其志也

二十有六年春王正月己未公會莒子衛甯速盟
于向

于是公與莒子盟而衛使大夫參成之

齊人侵我西鄙公追齊師至鄒弗及

時齊孝以入國時我師因救齊拒納而至是來報

夏齊人伐我北鄙

以報之未遂而又報之策書闕

衛人伐齊

不意衛成以洮盟之故而爲我伐齊

衛公

公子遂如楚乞師

乃衛伐不足復乞楚師以伐之

衛公

公以楚師伐齊取穀

且取穀焉

衛公

公至自伐齊

衛公

二十八年晉侯伐衛公子買戍衛不卒戍刺之

越二年而晉文以出亡之時衛文不禮遷怒衛成

而伐衛公使公子買戍衛而衛人畏晉出其君以

悅晉師遂不終戍而返公乃殺公子買以謝衛成

春秋條貫篇

報衛好也

卷五

九

其後晉復以元暄之訟執衛成而歸于京師公爲
納王于王并晉侯皆十穀而衛侯得釋見晉文報
怨條

楚滅楚二十六年楚人滅麇以麇子歸

據傳以不禮遠祖故滅之

晉以晉冬楚人伐宋圍緡條二十五

先是宋襄爭霸時爲諸侯所惡諸侯挾楚以伐宋
有前事矣特晉文出亡時宋襄獨贈馬二十乘至
晉文返國而宋得所倚不無重卿諸國之意故楚

先伐宋圍其邑

文

二十七年冬楚人陳侯蔡侯鄭伯許男圍宋

而明年之冬諸侯仍挾楚以合伐之

文

十有二月甲戌公會諸侯盟于宋

公往與焉

文

二十八年春晉侯侵曹晉侯侵衛

乃晉文初立思報宋德而諸國難與抗也謂楚初

得曹而新昏于衛若伐曹衛則楚必舍宋而救曹

衛宋可免矣且曹衛晉怨也當晉文出亡時衛文

公鄭文公俱不禮焉曹共公薄浴而觀其駢脅三

國怨必報。今衛文雖死，然衛成其子也，必伐不已。
蓋晉文老而復國，日暮途遠，其典弱之跡止此一
事。而報曹、報衛、報鄭，挾天子以制諸國，展轉糾
至。報鄭不終反，受秦傷而身已殂矣。然且釀秦晉
數世之禍，兵連不解，終以成秦穆之名。其恣睢無
理，萬不及齊弱十伯之一。此皆三傳所不解者。惟
夫子經文可鑒焉。

文
楚人救衛

乃楚果舍宋救衛，而晉計得矣。

文
三月丙午，晉侯入曹，執曹伯，畀宋人。

且楚躬救衛而不能救曹晉文遂入曹執曹共公與宋人而使之拘之蓋以曹宋本舊惡令宋得制曹且以耻諸師之共伐宋也此報曹也

文晉夏四月己巳晉侯齊師宋師秦師及楚人戰于城濮楚師敗績

及楚救衛而楚大夫得臣不用命而敗

文晉楚殺其大夫得臣

楚乃殺其致敗者

文晉衛侯出奔楚

當是時衛人以悅晉而先出其君以居于襄牛至

是奔楚衛大夫元咺奉成公之弟叔武爲之居守

文晉

五月癸丑公會晉侯齊侯宋公蔡侯鄭伯衛子莒

子盟于踐土

晉文既勝楚遽思挾天子以制諸侯乃獻楚俘于
襄王王親至鄭之踐土以勞晉師且享醴命侑晉
文乃會諸侯于王所我公與鄭伯及衛成之弟叔
武皆在會焉惟衛成在楚曹共公拘于宋

文晉

陳侯如會

陳侯以後至如會

文晉

公朝于王所

我公乃與諸侯即王所朝之

六月衛侯鄭自楚歸于衛衛元咺出奔齊

于是晉文侯衛成歸國甯武子與國入盟之而入

而叔武木之無處及聞入急走出建而前驅者射

殺之衛成乃殺前驅者而元咺出訟于晉

冬公會晉侯齊侯宋公蔡侯鄭伯陳子葛子邾子

金人于濫

晉乃復謀衛而駕言踐土之會許男不至因重會

諸侯以謀伐許衛謂之討不服

文王狩于河陽

然而踐土之會以獻俘之故王來勞師故得挾天
王以制諸國今但會諸侯王必不至若但入朝則
又與伯主之會無涉且晉所倚者秦也秦並未經
與諸侯之會而今特遣大夫來不可不有以誇之
因借冬狩名召王來狩當時簡書稱晉侯召王而
去子改之曰王狩可也召王狩不可也王自狩耳
壬申公朝于王所
狩卑朝之

文晉

晉人執衛侯歸之于京師
然後假王威以執衛成使與元咺訟必欲坐罪

文衛元咺自晉復歸于衛

元咺乃受晉命歸立公子瑕

文諸侯遂罔許

文曹伯襄復歸于曹遂會諸侯國許

晉文始使宋人釋曹伯而罔許以終其事

文二十九年春公至自國許

文夏六月會王人晉人宋人齊人陳人蔡人秦人盟

于翟泉

則是曹衛二怨皆已報復亦可已矣乃又以鄭文
不禮尚未釋憾雖踐土溫原二會鄭伯皆與與許

男不至不同而欲加之罪駕以貳楚爲詞則睚眦之甚矣然且諸侯前會散于春月甫入夏而急爲是會一似崦嵫之已促者又且以所倚之秦儘可搜伐初聯諸國終用秦師以爲得計而不虞三報之忽敗也

三十一年秋衛殺其大夫元咺及公子瑕

衛侯鄭歸于衛

若衛成則天王從我公請而釋之使歸

晉人秦人圍鄭

晉文遂專邀秦穆以伐鄭秦穆穆雄猜本助晉興

請而五年之間有晉無秦既已心懷忌嫉矣及聞
鄭大夫背秦陪晉之說遂幡然改悟反與鄭盟且
使三大夫杞子肅爲鄭戍守使晉勿敢犯雖晉人
請擊秦而晉文不許然而晉文之霸則從此其歡
絕矣夫以晉公子之名垂老返國祇享此報復一
事而三報未終卽爲強鄰所而賣雖宋襄耻辱無
適于此自此絕不敢舉一盟倡一會起一兵革
抑鬱而死且以爲後來秦晉構兵所自始則何必
次孟子曰仲尼之事無道桓文之事者夫桓且不
道况乎文也

二十七年夏六月庚寅齊侯貽卒

秋八月乙未葬齊孝公

二十八年陳侯款卒

公子遂如齊

二十有九年春介葛盧來

秋大雨雹

冬介葛盧來

三十年春王正月夏狄侵齊

介人侵蕭

冬天王使宰周公來聘公子遂如京師遂如晉

三十有一年春取濟西田 公子遂如晉

夏四月卜郊 不從乃免牲 猶三望 秋七月

狄圍衛十有二月衛遷于帝丘二條

二十二年衛人侵狄狄衛人及狄盟

春王正月 夏四月巳丑鄭伯捷卒

冬十有二月巳卯晉侯重耳卒

秦晉數世三十有三年春王二月秦人入滑十九條

自晉文三恨私怨至報鄭而大壞不惟鄭不能報

兼以貽秦晉數世構兵之禍歷文宣成襄七十餘

年而後稍衰息亦已酷矣然皆自閼鄭入滑兩大

春秋條貫篇

十五

節始當晉文與秦穆共圍鄭時秦穆聽嬖之武之
言反盟鄭邾晉且使三大夫杞子逢孫揚孫戍鄭
而去致晉文懷慚而卒此固晉君臣父子所唧憾
者今鄭文初死而三大夫密使告秦謂潛師襲伐
可得其國秦穆輕信遠遣孟明西乞白乙三帥出
師而老臣蹇叔力諫不聽及至滑而鄭商人絃高
假以已所販四皮先其牛犒師秦疑鄭有備不敢
至鄭而以滑近鄭遂謀滅滑當是時秦人雖妄動
然與晉絕無與也使以晉文爲新喪耶則兵不向
晉並非伐喪使以伐鄭伐滑爲伐同姓耶則三十

年秋晉文方邀秦以伐同姓而今反禁秦之自來
伐于理不合且晉襄初居喪次父棺未葬忽然越
絛拋殯以他國小戮而遽墨涅其衰經一如將葬
其國土而焚其宗社者此在晉襄爲喪心病狂而
在鄭滑聞之亦必竊笑其不情之舉以纓冠披髮
而救鄉鄰之爭鬪誠何必然而乃舉世夢夢自三
傳迄今並無有一人能知其意者此夫子之書之
所以不可不通讀也蓋晉文之飲恨深矣暮年爭
霸僅博此報怨一事而怨不終報倒戈逆墮反爲
敵人所快意則三國之怨可忘而此時之辱必不

可忘晉襄承父志故伺其可間而急以乘之不憚墨衰涅經且名戎助師以示必勝蓋其蓄之者有素也

晉秦

夏四月辛巳晉人及姜戎敗秦于殽

于是敗秦師而取三帥晉文夫人秦女也請釋之秦伯乃素服郊迎悔不聽蹇叔之言作秦誓然而秦晉之相報則從此無已時矣

秦

文二年春王二月甲子晉侯及秦師戰于彭衙秦師敗績

越三年秦仍遣孟明報晉而秦復敗績

秦冬晉人宋人陳人鄭人伐秦

晉復迎諸國以伐秦

秦三年秦人伐晉

秦伯乃興師伐晉濟河焚舟取王官及郊封殽尸而還左氏曰遂霸西戎則是役于晉有大創者矣

秦四年晉侯伐秦

晉襄乃親伐以報之

秦七年夏戊子晉人及秦人戰于令狐晉先蔑奔秦

既而秦穆死晉襄亦死怨可釋矣奈晉襄死時趙盾以襄子靈公少議立晉文之子使國有長君而

又。以。晉。文。諸。子。中。惟。公。子。雍。長。而。子。雍。在。秦。使。先。
蔑。至。秦。迎。之。時。秦。康。公。念。舊。好。以。師。送。雍。而。晉。襄。
夫。人。穆。嬴。目。抱。靈。公。啼。于。朝。且。頓。首。求。盾。盾。復。立。
靈。公。而。興。師。以。拒。子。雍。且。與。秦。戰。必。敗。其。師。而。後。
已。則。重。尋。舊。怨。矣。

晉秦

十年夏秦伐晉

越三年而秦乃報令狐之役

晉秦

十三年冬十有二月戊午晉人秦人戰于河曲

秦以報伐未得志復交戰河曲而交綏而退

晉秦

宣元年冬晉趙穿帥師侵崇

既而秦康死秦共初立晉始欲求成于秦然成則已矣乃又用趙穿計謂我侵崇秦必來救崇我于是可求成焉及侵崇而秦弗與成

晉秦

二年秦師伐晉

且復以伐崇而又報之則彼此報伐適相當焉

晉秦

八年夏晉師自狄伐秦

于是晉靈弑秦共亦亡晉成與秦桓初立可釋怨矣而晉忽構狄伐秦

晉秦

十五年秦人伐晉

越七年而秦乃報伐是時晉又易景公矣

秦晉成九年秦人白狄伐晉

然秦既報伐而戰于輔氏爲晉師所敗故越十年而又報之晉以白狄伐秦以白狄報又相當焉

秦晉十三年夏五月公自京師遂會晉侯齊侯宋公衛侯鄭伯曹伯邾人滕人伐秦

乃晉又易君景死厲立復魯王官并諸侯之師以伐秦秦師敗績獲秦成差及不更女父焉

此事據傳云五月丁亥晉師以諸侯之師及秦師戰于麻隧秦師敗績獲秦成差及不更女父而經文並不一及故後儒揣摩以爲秦曲晉直而不書

耶則韓原之戰秦直晉曲而經書戰韓原獲晉侯
未嘗諱也以爲不告而不書耶則公親在軍不須
告也以爲諱有功耶則諱敗不諱勝克獲有功未
嘗諱也杜氏與正義再三躊躇而不得其說臆云
經文闕漏傳文獨存夫夫子經文無闕漏者夫子
所修者魯史而丘明以晉史當之夫子所惡者晉
君晉臣而晉史特誇揚晉君臣以張大之我所傳
者魯史所發明者夫子之書而反信晉史而疑魯
史信丘明而疑夫子之書大無理矣故此一伐秦
晉史載呂相絕秦之書專責秦以狄伐晉而竟忘

晉之先以狄伐秦。哿哿有詞。猶幸而夫子之經于宣八年夏。明云晉師以白狄伐秦。昭昭在簡書間也。故麻隧之敗。呂相之書不更女父之獲。或晉史罔誕。或夫子惡晉而直削其事。經傳具在。請善讀經者略一審之。

晉秦

曹伯廬卒于師

然且王官諸侯皆以晉率伐之。故曹宣公與王官成。肅公皆卒于師。經特書曹伯卒師者。所以著晉惡。不書成肅公卒者。所以諱王辱也。

晉秦

秋七月公至自伐秦 冬葬曹宣公

秦襄十年晉師伐秦

晉秦十有一年冬秦人伐晉

越十有七年晉悼伐鄭秦景偕救鄭伐晉以報前諸國之伐而其事終焉

三十三年齊人使國歸父來聘

癸未葬晉文公

狄伐齊

策書未詳

晉人敗狄于箕

冬十月公如齊十有二月公至自齊

策書闕

乙巳公薨于小寢

隕霜不殺草李栒實

晉人陳人鄭人伐許

策書未詳

西河合集

蕭山毛奇齡

字秋晴
又名姓

稿

文蔚克有較
遠宗姬潢

春秋條貫篇六

文公

元年 春王正月公即位

二月癸亥日有食之 天王使叔服來會葬

天王使毛伯來錫命 錫命主也
二條一貫

叔孫得臣如京師 拜命也

晉侯伐衛 七條
一貫

春秋條貫篇

諸侯有相朝之禮。謂小朝大也。齊晉魯衛皆侯爵。而彼我匹敵。雖齊桓興霸。魯衛亦未嘗一朝而晉文無道。強諸侯朝晉。而魯衛不與。斯亦已矣。至晉襄。雖父之志。遍告諸侯。伐衛討魯。必使之朝晉。而後已。何世濟其惡。一至于此。此以衛成不朝晉。而興師伐衛。取衛戚邑。并俘其邑大夫而還。傳稱晉用先且居謀。先朝王于溫。而後責衛之不朝。則直以晉僭天王。尤屬無禮。且溫本周邑。是時已賜晉。卽曰溫不服晉。王國與晉共有之。然非王朝也。若果朝溫。則必晉伐衛時。襄王偶至溫。而晉

朝之者策書總未詳耳

齊衛衛人伐晉

衛成爲晉文所辱世讎也今復受伐而喪地朝之不甘以告于陳陳其公不平使衛報伐衛乃遣大夫孔達伐晉世頗稱快而惜其終不能勝晉也

齊衛秋公孫敖會晉侯于戚

晉襄乃親至戚而疆戚田魯不得已遣大夫往會之然非晉意也

魯二年三月己巳及晉處父盟

因討魯不已公乃朝晉而晉復不理使大夫出盟

以耻之。

魯衛夏六月公孫敖會宋公陳侯鄭伯晉士穀盟于垂隴。

然且自春至夏止公不還。又復以衛之抗晉爲討。諸侯不安。因會列國使魯衛求成于晉。而陳共公以教衛報伐之。故并執衛孔達。以悅晉。晉乃遣大夫受魯衛之成。而于是魯與衛則皆爲晉屬國焉。

魯衛三年冬公如晉。十有二月己巳公及晉侯盟。

魯衛至是公復朝以謝。又踰月而晉侯始與公盟。

魯衛四年春公至自晉。

且又止公不還。自冬至春，使之朝晉。正而後遣歸。則惡極矣。當是時，始釋衛孔達，而衛侯亦親往謝。

楚弑君

元年冬十月丁未，楚世子商弑其君頹。

楚成王欲

廢太子商臣而立王子職，故見弑。

公孫敖如齊。

新君聘也。

二年丁丑，作僖公主。

自十有二月不雨，至于秋七月。

八月丁卯，大事于太廟，躋僖公。

閔初在禰廟，莊在祖廟。今僖將入禰，閔將升祖而

乃升僖于閔上則僖遠祖而閔仍禰子在父上禰在祖上矣逆祀也

文公 聘娶公子遂如齊納幣

兩條一貫

聘娶 四年夏逆婦姜于齊

僖公 三年春王正月叔孫得臣會晉人宋人陳人

衛人鄭人伐沈沈潰

伐沈寃不知何故其後沈終為晉滅

在定四年

則或有

他故而策書不能詳也

夏五月王子虎卒

楚滅 秋楚人圍江

三條一貫

江冬晉陽處父帥師伐楚以救江

江本楚屬國不宜漫加救恤晉襄思啟霸乃告天王以救之反致滅江則無功有過矣齊桓會黃人管仲諫沮之慮反貽黃禍而不能救也桓不聽而既而楚滅黃而果不能救今兩霸一轍矣其後晉定召陵之會一舉而亡胡沈蔡頓四國霸主之禍烈如此而胡氏尚欲告天王合諸侯以聲其罪四年秋楚人滅江此時何不聲罪耶

三年雨螽于宋

四年狄侵齊

策書闕

衛侯使甯俞來聘

魯衛同為晉所辱故相親焉

成風

冬十有一月壬寅夫人風氏薨

僖之生母文生祖母也此可觀

天子諸侯為庶祖母行禮之禮五條一貫

五年春王正月王使榮叔歸含且賵

襄王以諸侯夫人禮禮之

風三月辛亥葬我小君成風

風王使召伯來會葬

左氏曰禮也

風九年冬秦人來歸僖公成風之襚

夏公孫敖如晉

策書闕

秦人入郿

楚滅六秋楚人滅六六叛楚附東夷故滅之

冬十月甲申許男業卒

六年春堊許僖公夏季孫行父如陳

秋季孫行父如晉策書不詳何事

八月乙亥晉侯驩卒

冬十月公子遂如晉堊晉襄公

晉大夫相殺晉殺其大夫陽處父晉狐射姑出奔狄三條貫

晉襄蒐夷時將登箕鄭父而使士穀梁益耳將中

軍先克勸晉侯以狐射姑

狐偃子

將中軍趙盾

趙衰子

佐之陽處父趙氏黨也又改使趙盾將中軍狐射

姑佐之故狐射姑殺陽處父而身出奔狄

殺相

九年二月晉人殺其大夫先都

殺相

三月晉人殺其大夫士穀及箕鄭父

而箕鄭父先都士穀梁益耳亦殺先克至是晉人

討賊先殺先都梁益耳繼殺士穀箕鄭父而狐射

姑以出奔免焉

梁益耳非
脂故不書

閏月不告朔猶朝于廟

魯取

七年公伐邾

三條
一貫

三月甲戌取須句

邾滅須句而魯伐邾是也乃自取須句而令邾公子之叛邾而歸魯者使居之爲邑大夫則無道矣邾曾滅須句而倍公取還之見倍二十三年

遂城郛以備邾也

夏四月宋公王臣卒

宋無道宋人殺其大夫

宋成公新卒其子杵臼立卽昭公也昭公未卽位遽謀去羣公子而穆襄之族率國人以攻公殺公孫固公孫鄭于公之宮至六卿謝和公室然後昭

公得卽位成公得葬則無道矣其後昭公之被弑實基于此

狄侵我西鄙

策書闕左氏取晉策書補之以狐射姑在狄趙盾使讓之數語抵塞作傳則與狄侵本事何與焉

晉盟

秋八月公會諸侯晉大夫盟于扈

二條貫

晉靈新立遣大夫與諸侯盟總以屬國待諸侯也

晉

八年冬十月公子遂會晉趙盾盟于衡雍

乃以前盟時公至稍緩晉復來討故又遣上卿報盟不意趙盾秉政乃每事苛暴如此

公孫敖奔莒始末

七年冬徐伐莒

五條一貫

策書闕

敖

公孫敖如莒涖盟

此涖莒盟與徐伐莒並無干涉未有莒被戎伐而
友來與魯盟者此皆策書之無據者也惟公孫敖
事則策書有之敖爲慶父子初娶莒女曰戴已生
文伯其娣聲已生惠叔戴已卒又聘莒而莒辭之
乃聘之爲襄仲妻至是以涖盟如莒且爲仲逆女
見女美自娶之仲請公攻敖公用仲叔惠伯諫使
仲舍女敖還女兩俱不娶從之

春秋左傳卷之六

敖

八年公孫敖如京師不至而復丙戌奔莒

以弔襄王喪而中道返莒從莒女焉誤國如此

敖

十四年九月甲申公孫敖卒于齊

敖既奔莒魯人立文伯爲後敖又生二子于莒而求返魯文伯請于公許之然不許聽政事藏于家三年而仍與莒女奔莒文伯死立弟惠叔爲後敖又以重賂求返魯惠叔請于公又許之乃未至而路死于齊至是告喪請歸葬不許

敖

十五年夏齊人歸公孫敖之喪

齊人乃爲孟氏謀置棺于堂阜不去惠叔哀毀立

朝以請命始許歸葬其葬視慶父以罪降焉

八年春王正月夏四月

襄王秋八月戊申天王崩四條一貫

公孫敖如京師不至而復丙戌奔莒見公孫敖條

九年春毛伯來求金以公孫敖不至故

二月叔孫得臣如京師辛丑葬襄王

八年冬十月乙酉公子遂會雜戎盟于暴

雜戎將伐魯故盟之

螽

宋始被八年宋人殺其大夫司馬宋司城來奔四條一貫

宋昭無道見前事矣弟昭公者襄公之孫也襄夫人寵愛庶孫公子鮑而惡昭公鮑厚施于國而襄夫人助之將殺昭而代立焉夫人因戴氏之族先殺昭弟司馬邛及襄諸孫之爲昭黨者而司城蕩意諸來奔經不書邛書意諸略之也先是公子蕩爲司城及卒其子公孫壽辭司城不受而使其子蕩意諸爲之至是司城致節于府人而來奔公重其義也于襄仲聘宋時送意諸還宋復其官焉

昭朱

十六年冬十有一月宋人弑其君杵臼

夫人至是乃俟昭公田孟諸而使甸師攻殺之蕩

意諸死焉公子鮑代立是爲文公

昭宋

十有七年春晉人衛人陳人鄭人伐宋

晉趙盾乃請于靈公以伐宋大言曰大者天地其次君臣昭大訓也宋弑其君反天地逆民則天必誅焉晉爲盟主而不修天罰將懼及矣靈許之乃發令太廟召軍吏而戒樂正使三軍之鐘鼓畢備且曰伐備鐘鼓聲其罪也戰以鐸于丁寧儆其民也且復旁告于諸侯與列國之師治兵振旅鳴鐘鼓以至于宋及至宋卽聲其罪曰何故弑君其嚴毅正大振動踴躍如是乃忽然止息反以伯主之

威名爲之立君畏宋耶愛宋耶受宋賂耶策書總
未詳也但曰立文公而還

宋賂夏諸侯會于扈

則其狡而變頑而無耻吾方慮其無言無面目可
以對衆乃復謗平宋而會諸侯則其視列國之會
盟諸師之聚散直見戲耳嗟乎晉霸自此掃地矣

哀姜歸寧九年春夫人姜氏如齊二條一貫

寧三月夫人姜氏至自齊

楚平鄭楚人伐鄭公子遂會晉人宋人衛人許人救鄭

楚輕晉君少不能有諸侯故伐鄭以嘗之而趙盾

合諸國之師而仍不敢前致楚俘囚鄭諸公子及大夫而受成而去盾之無能又如此

夏狄侵齊

策書闕

秋八月曹伯襄卒九月癸酉地震

冬楚子使椒來聘

子越椒也

聘不知何事亦不知報聘與否策書未詳

葬曹共公

十年春王三月辛卯臧孫辰卒

楚殺其大夫宜申

圖子西門謀逆而死

春秋修其篇

自正月不雨至于秋七月

及釐子盟于女栗

釐子用卿士以頃王新立故盟諸侯

冬秋侵宋

策書闕

楚平楚子蔡侯次于厥貉

三條一貫

楚會陳侯鄭伯蔡侯麇子將伐宋次于厥貉宋求成焉遂田于孟諸而麇子逃歸總是策書不詳陳鄭之不次厥貉麇子之見逃皆不可得而知也

平十有一年春楚子伐麇

討逃也

平夏叔仲彭生會晉卻缺于承匡

晉乃會魯謀宋鄭之平楚者而無如何也

秋曹伯來朝

公子遂如宋

狄侵齊

我敗狄

冬十月甲午叔孫得臣敗敵于鹹

是時獲長狄僑如

十有二年春王正月邾伯來奔

策書不可解似邾伯初卒邾人別立一君故太子

來奔然太子不當稱伯或是時邾伯既薨太子雖

失位而非其罪故史以成君之禮稱之所以深惡

邾人之別立君者傳非是也

夏楚人圍巢

秋滕子來朝

秦伯使術來聘

卷六 以重魯來聘 師西乞術也

季孫行父帥師城諸及郕

十有三年 春王正月 夏五月陳侯朔卒

邾子貜條卒 自正月不雨至于秋七月

世室屋壞

魯公宮也

冬公如晉衛侯會公于胙

公朝晉時衛請平于晉

十有二月己丑公及晉侯盟公還自晉鄭伯會公于

裴

公朝晉還鄭亦請平于晉

十有四年春王正月公至自晉

狄侵衛

策書闕

邾人伐我南鄙叔孫彭生帥師伐邾

夏五月乙亥齊侯潘卒

公昭

晉納君六月公會宋公陳侯衛侯鄭伯許男曹伯晉

趙盾癸酉同盟于新城

三條一貫

邾文公元妃齊姜生定公二妃晉姬生提菑文公

卒邾人立定公提菑奔晉晉趙盾乃大會諸侯

納君秋公至自會

納君晉人納提菑于邾弗克納

而以八國諸侯之師八百乘納提菑于邾邾人辭

曰齊出糴且長盾無辭而退然則輕意肆志勞師役衆何爲矣盾之躁妄而不足與爲又如此

秋七月有星孛入于北斗

齊懿公齊公子商人弑其君舍十七條

齊昭公卽昭公卒已立太子舍矣昭公弟商人卽齊懿公

弑舍自立

齊懿公冬單伯如齊齊人執單伯

而昭公者魯婿也魯使襄仲告天王匡請以王威求昭姬于齊曰殺其子焉用其母請受而罪之王使單伯請昭姬而齊執單伯

齊懿公齊人執子叔姬

并執昭姬其不稱昭姬者與齊絕也夫子書法也

齊懿公十有五年春季孫行父如晉

魯以齊執天王使告晉

齊懿公六月單伯至自齊

晉置不理乃又拘于齊半載單伯自爲請而始得

歸傳曰齊人許單伯之請而赦之

齊懿公秋齊人侵我西鄙

齊復伐我

齊懿公季孫行父如晉

又以齊難告于晉

卷六

齊紀冬十有一月諸侯盟于扈

晉乃借新城舊盟之諸侯而會于扈。駕謀伐齊而終不出師。反顯受齊賂而止。然則弑國君。戮王使辱國母。踐宗國。猖狂叛亂。彌天惡逆。而爲之晉者。但旁觀袖手而不之救。所謂霸主者安在。然且縱奸長惡。反受其賂。則其不尊王不討叛不恤與國。卽以數世脅朝脅貢之臣屬而並不假以優庇之心。晉惡從此無度矣。經不書晉并不序列國惡之也。

齊懿公十有二月齊人來歸子叔姬

齊乃送昭姬還魯謂之大歸未已也

齊懿公齊侯侵我西鄙遂伐曹入其郛

又侵我未已也以曹甫朝魯此年夏并伐曹而入

其郛其狂逞如此

齊懿公十有六年春季孫行父會齊侯于陽穀齊侯弗

及盟

于是魯乞平而公以疾故使季孫往會齊侯不許

齊懿公夏五月公四不視朔

無如公疾之非假也

齊懿公六月戊辰公子遂及齊侯盟于鄆丘

不得已乃使襄仲納賂于齊侯然後許盟而猶未

已也

齊懿公十七年春齊侯伐我西鄙

又伐我

齊懿公六月癸未及齊侯盟于穀

且親帥師以伐我而晉復不救公乃親至穀行成

齊懿公秋公至自穀

而然後歸

齊懿公冬公子遂如齊

又遣上卿往拜成。而于是我公死。齊侯被弑。而其
事終焉。夫卽此一事。而簡書歷歷不避嫌。不諱辱。
周詳反覆。著齊晉之惡。痛王室宗國之弱。惡則思
懲。弱則思奮。勸戒予奪。書法畢備。而愚者尚欲以
斷爛目之。豈非冤哉。

十四年宋子哀來奔

避昭公無道也

宋司馬華孫來盟

策書不詳其事

十五年夏曹伯來朝

晉伐蔡

晉郤缺帥師伐蔡。戊申入蔡。

新城之盟。蔡人不至。故伐之。

十六年秋八月辛未夫人姜氏薨

文公生母也

毀泉臺

楚滅庸楚人秦人巴人滅庸

庸以楚僂故率百濮伐楚而楚報滅之

十七年夏四月癸亥葬我小君聲姜

以齊難故葬緩

十有八年春王二月丁丑公薨于臺下

不知何臺也策書不詳

秦伯瑩卒

康公

齊弑君夏五月戊戌齊人弑其君商人

邴歆閭職以私怨弑齊懿而行齊人立懿之兄元

六月癸酉葬我君文公

秋公子遂叔孫得臣如齊

一謝會葬一賀齊惠新立

公子遂冬十月子卒

文公夫人哀姜生太子惡及公子視其妃敬嬴生
宣公敬嬴嬖且私事襄仲欲立之至是文公薨已
立惡矣襄仲以聘齊時請立宣公齊許之乃歸而
弑惡并殺視焉

夫人姜氏歸于齊

哀姜大歸

季孫行父如齊

策書闕

春秋條貫

夫

君弑

莒弑其君庶其

莒紀公黜太子僕而愛庶子季佗太子僕弑君以
寶玉來奔

西河合集

蕭山毛奇齡

字大可稿

文輝克有較

春秋條貫篇

七

宣公

元年 春王正月公即位

魯求好

公子遂如齊逆女

六條

前齊懿弑逆時虐于叔姬魯文為齊懿侮辱久矣

至是齊懿被弑魯文亦死宣公以殺適見立請婚

于齊且服甫及期而遽作喪婚罪可知矣若其娶

何公之女則策書亦未詳也。

宋三月遂以夫人婦姜至自齊。

宋夏季孫行父如齊。

又賂齊求盟焉。

宋公會齊侯于平州。

宋公子遂如齊。

因謝盟。

宋六月齊人取濟西田。

而取賂以去其卑曲如此。

晉放其大夫胥甲于衛。

文十二年秦晉戰河曲時晉趙穿胥甲俱不用命
交綏而退今舍趙穿而獨放胥甲趙盾之曲也

秋邾子來朝

晉平公六年楚子鄭人侵陳遂侵宋六條

晉楚各欲以宋陳鄭爲屬國而未有定也至是鄭
人窺趙盾無道而不足恃遂幡然歸楚而陳靈公
以共公之卒楚人不禮因受盟于晉是時楚莊王
爭霸楚強晉弱楚遂挾鄭以侵陳并侵宋

宋鄭晉趙盾帥師救陳

趙盾救陳宋不克經不書救宋以盾不敢至宋也

宋鄭 宋公陳侯衛侯曹伯會晉師于棐林伐鄭

圻乃挾陳宋并諸國轉而伐鄭楚遣蔣救鄭敗晉于北林獲晉大夫解揚囚之

宋鄭 晉人宋人伐鄭

晉報伐又不克

二年春王二月壬子宋華元帥師及鄭公子歸生帥師戰于大棘宋師敗績獲宋華元

乃使宋鄭自決戰而宋又大敗獲宋華元去

宋鄭 夏晉人宋人衛人陳人侵鄭

晉宋于是仍合四國以侵鄭又不克而罷

晉君秋九月乙丑晉趙盾弑其君夷臯

時晉靈侈虐趙盾以數諫不聽靈欲殺盾已闕于朝矣盾闕歸而亡駕言出山其從子趙穿遂攻靈于桃園而弑之盾遽返使穿迎公子黑臀于周立為成公

太史曰亡不出境返不討賊非盾弑而何

冬十月乙亥天王崩

三年春王正月郊牛之口傷收十牛牛死乃不郊

猶三望 葬匡王 楚子伐陸渾之戎

晉楚爭夏楚人侵鄭

二十條

趙盾耻伐鄭不克乃于弑君後驟伐鄭以使之必

服鄭不得已與晉平而楚之爭鄭者至矣

宋鄭陳四年冬楚子伐鄭

乃楚伐鄭而盾不救然鄭未與楚平也

宋鄭陳五年冬楚人伐鄭

及楚又伐鄭鄭猶未平而陳忽叛晉而歸于楚晉乃以伐陳之師兼救鄭焉經不書救惡救晚也

宋鄭陳六年春晉趙盾衛孫免侵陳

及晉再侵陳而陳與晉平

宋鄭陳八年楚師伐陳

楚乃舍鄭而伐陳

陳宋鄭

九年九月晉侯宋公衛侯鄭伯曹伯會于扈晉

荀林父帥師伐陳辛酉晉侯黑臀卒于扈

晉會諸國而陳侯不至晉亦伐陳值晉成公卒而
罷是年晉成之子景公立然而楚復舍陳而伐鄭

陳宋鄭

楚子伐鄭晉卻缺帥師救鄭

時晉景以卻缺爲政不用盾故晉救急至而鄭得
以拒楚師然而楚復踵伐取鄭成去而傳未詳也

陳宋鄭

十年晉人宋人衛人曹人伐鄭

當是時鄭以楚踵伐之故不得已與楚成而晉又
伐之

陳宋鄭 楚子伐鄭

鄭以晉伐之故不得已與晉成而楚又伐之

陳宋鄭 十一年夏楚子陳侯鄭伯盟于辰陵

鄭乃曰晉楚不務德而務兵爭吾與其來者可也
謂來即歸之因又與楚平而并盟陳焉

陳宋鄭 丁亥楚子入陳

乃以陳夏徵舒弑君之故楚莊爲討賊故入陳是
時陳服楚非爭陳也然陳亦創矣

陳宋鄭 十二年春楚子圍鄭

而鄭則以盟楚之故晉復來討不得已又與晉平

而楚又伐之。圍城至三月。晉不敢救。鄭伯乃肉袒牽羊行成于軍。且以子良爲楚質。而鄭亦剗焉。
宋鄭夏六月乙卯。晉荀林父帥師至楚。子戰于邲。晉師收績。

及楚已服鄭。而晉救方至。至決戰。而晉又大敗。

宋鄭

十三年冬。晉殺其大夫先穀。

以敗故

宋鄭

十二年冬。晉人宋人衛人曹人同盟于清丘。

晉乃大會諸國將。挾宋衛以伐陳鄭。而衛人不從。

宋鄭

宋師伐陳。衛人救陳。

但使宋伐陳。而衛反救之。

詳見後衛叛晉條

陳宋鄭

十三年夏楚子伐宋

越明年楚子復伐宋以報宋伐陳之役策書誤

陳宋鄭

十四年晉侯伐鄭

晉不敢爭陳仍復爭鄭以邲之戰爲救鄭敗也因

假爲討貳君親帥師然但蒐鄭野不敢入鄭而還

陳宋鄭

秋九月楚子聞宋

楚子又伐宋以報伐鄭之役且以其時宋殺楚使

故并力伐之

陳宋鄭

十五年夏五月宋人及楚人平

方是時宋告急于晉而晉人不敢救也至是圍宋

將一年矣。宋華元夜入楚師，乞公子子反輸以情。實楚始許宋平，而于是宋鄭陳三國無不受楚大創。考平爭霸之禍，人國如此。

春秋

三年秋赤狄侵齊

二條一貫

春秋

四年赤狄侵齊

春秋

僖十五年宋人伐曹

七條一貫

策書闕

春秋

十九年宋人圍曹

策書闕

春秋

宣三年宋師圍曹

按宋與曹有舊怨。屢興構伐。而皆不得詳其事。策書俱闕。卽此圍曹左氏。仍以宋舊事抵塞之。而皆非實錄。夫曹宋小國。與魯無與。夫子歷紀之。以至子滅此。其中必有故。而惜其詳乎經。而傳反闕也。故吾于條貫之際。引僖年伐曹事。並列于此。以爲滅曹考証焉。

宋曹

哀四年宋樂髡帥師圍曹

策書闕

宋曹

六年宋向巢帥師伐曹

策書闕

宋七年宋人圍曹

策書闕

宋八年春王正月宋公入曹以曹伯陽歸

一至是宋景親伐曹執曹伯而曹滅矣策書祇云伐曹時以曹人誦宋景而滅此豎子之語總是策書全闕不可考耳但此滅曹見左傳史記而孟子時有曹交者趙岐註曰曹君之弟亦不可解

三年冬十月丙戌鄭伯蘭卒 葬鄭穆公

齊魯伐莒四年春王正月公及齊侯平莒及郟莒人不肯

公伐莒取向

一二條貫

莒鄆二國不知何故而齊與魯共平之策書總未

詳也

十一年公孫歸父會齊人伐莒

策書闕

十三年春齊師伐莒

策書未詳

四年秦伯稱卒公集

夏六月乙酉鄭公子歸生弑其君夷鄭靈初立公子宋以

食寵之故與公子歸生共謀弑之

五年春公如齊 夏公至自齊

策書闕

秋九月齊高固來逆子叔姬

固自迎婦也

叔孫得臣卒

冬齊高固及子叔姬來

六年夏四月秋八月螽冬十月

七年春衛侯使孫良夫來盟

謀會晉也

夏公會齊侯伐萊秋公至自伐萊

策書未詳

大旱

冬公會晉侯宋公衛侯鄭伯曹伯盟于黑壤

八年春公至自會

晉侯以初立會諸侯時公未朝晉故止公于會而

不許盟踰年始歸

夏公子遂如齊至黃乃復

策書闕

辛巳有事于太廟仲遂卒于垂公子遂字襄仲故氏仲

壬午猶繹萬入去籥以仲遂赴至減樂禮也

戊子夫人嬴氏薨

楚滅舒楚人滅舒蓼

秋七月甲子日有食之既

冬十月己丑葬我小君敬嬴 雨不克葬庚寅日中而克葬

城平陽

九年春王正月公如齊公至自齊

夏仲孫蔑如京師

聘周也

齊侯伐萊

策書闕

魯取取根牟

東夷國也

策書闕

八月滕子卒 冬十月癸酉衛侯鄭卒

春秋條貫篇

滕宋圍

宋人圍滕

卷七

二條

春秋釋例謂滕為齊所滅而國策作宋滅滕則宋于滕或不無覬視之意而惜策書之並未詳也此與十年伐滕不知何故而夫子歷書之非無為者因就其所書而條貫如此

宋

十年六月宋師伐滕

陳靈公被弑始末

陳殺其大夫洩冶

六條

陳靈公與孔寧儀行父通于夏姬大夫洩冶以諫

公被殺

陳靈

癸未陳夏徵舒弑其君平國

夏姬子徵舒伺公至其家弑之

陳靈公十一年冬十月楚人殺陳夏徵舒

陳靈公丁亥楚子入陳見爭朱鄭陳條

孔寧儀行父奔楚楚子為討賊因入陳

陳靈公納公孫寧儀行父于陳

納二子而去

陳靈公十有二年春葬陳靈公

十年春公如齊公至自齊策書不詳

齊人歸我濟西田前所賂者以我服歸之

夏四月丙辰日有食之 己巳齊侯元卒

齊崔氏出奔衛

崔杼有寵于齊惠公至是惠卒而高氏逐之

公如齊公至自齊

奔齊惠喪也

公孫歸父如齊葬齊惠公

秋天王使王季子來聘

報聘

公孫歸父帥師伐邾取繹

策書未詳

大水季孫行父如齊

聘新君也

冬公孫歸父如齊

齊侯使國佐來聘

報聘

饑

十有一年春王正月

秋晉侯會狄于攢函

以狄服也

十有二年

秋七月

楚滅蕭

冬十有二月戊寅楚子滅蕭

衛叛

晉人宋人衛人曹人同盟于清丘

見宋鄭陳條三條一貫

晉叛

晉以邲之戰為楚所敗乃盟宋衛曹以謀伐陳鄭

晉叛

宋師伐陳衛人救陳

見宋鄭陳條

齊魯衛陳宋原不甘為晉屬國當晉襄討魯衛朝

晉時陳共公不平使衛成公抗晉遣大夫孔達與

師報伐而勢不能敵終與魯朝晉且執孔達以拘

于晉者三年衛君臣痛心久矣至是晉敗于楚衛

以為可抗而且德陳之相恤因背盟救陳仍以孔

達帥師而無如仍不敵也

晉叛十四年春衛殺其大夫孔達

晉乃討衛叛遣使坐責欲得孔達而甘心焉達遂自縊以謝晉魯史書此著晉惡也而胡氏以爲干犯盟主其漫不曉事如此

十有三年 秋螽

十有四年 夏五月壬申曹伯壽卒 葬曹文公

冬公孫歸父會齊侯于穀

策書不詳其事

十有五年春公孫歸父會楚子于宋

以楚子圍宋久而往會之

事見爭宋鄭陳條

晉滅狄六月癸卯晉師滅赤狄潞氏以潞子嬰兒歸

王札子殺召伯毛伯以爭政故也

秋螽

仲孫蔑會齊高固于無婁

策書闕

初稅畝冬蟥生饑

十有六年

晉滅狄春王正月晉人滅赤狄甲氏及留吁

夏成周宣榭火秋郟伯姬來歸

策書總闕

冬大有年

十有七年春王正月庚子許男錫我卒

丁未蔡侯申卒夏葬許昭公葬蔡文公

六月癸卯日有食之

己未公會晉侯衛侯曹伯邾子同盟于斷道

晉不知以何事會諸侯策書不詳

秋公至自會

冬十有一月壬午公弟叔肸卒

十有八年春晉侯衛世子臧伐齊

前斷道之會齊侯不至故伐之

公伐杞

策書闕

夏四月

秋七月邾人戕郕子于郕

策書不詳其事

甲戌楚子旅卒

莊王

公孫歸父如晉

聘晉

冬十月壬戌公薨于路寢

歸父還自晉至笙遂奔齊

公孫歸父爲襄仲之子襄仲殺嫡而立宣公故其

子歸父相繼爲卿至是宣薨季文子乃發其父罪而拒之奔齊